



梧溪集卷第六

江陰王

逢原吉

擬河清頌

有序

草野臣某言臣本江陰鄙人也素不希仕進甘分壘晦  
讀書向道以咏歌雍熙之治比鄉邑多故客遊吳下且  
七年今春<sup>年</sup>三月躬聞黃河變清混合雲漢昭融光岳青  
徐齊魯淮楚之間神人騶抃魚鳥咸若卉木品彙盡沾  
休澤竊惟河源自天注地中經亘袤衍不計幾萬里夏  
禹鑿䟽功用同大厥後華夷殊域雖代見澌澌誠未足  
當天地嘉應我朝一海宇昆侖葱嶺始在化內仁治德  
流乘及百年天用彰報陛下陛下仰契俯察日夜深祿

心慮拯塗炭下民以荅我皇祖考之祐昔漢以甘露降  
而紀歲唐以醴泉涌而製銘臣謂自三代來莫此為盛  
陛下聖德遠邁河伯致珍固宜作為文章聲之樂官薦  
之清廟特著國典傳示無疆頌不偉歎臣思深涵育分  
分踰贊述謹獻江浙省以聞頌曰

皇帝即位三十春黃河變清月在辰乾端坤倪浩無垠一  
氣混合析木津昆侖慈嶺涵大鈞洛渭淮泗嘉應臻風無  
無苗龍擾馴桃花不動波滄淪陽和郊畎見鳳麟紫貝宮  
闕闡佑珍河伯率職海若賓天其念茲昏墊民于以淨洗  
戎馬虛槎蘖沾少咸契新江南布衣草野臣踊躍百拜頌

斯陳於穆世祖克舜仁大禹功澤歸聖神

予讀王逢氏河清頌辭達而意敷得歸美之體鮑照不  
得專美于前矣故為書之前太史知制誥鄱陽周伯琦  
識 逢擬此時至正甲辰歲公則以江浙左丞遷南臺  
侍御史不赴遂告老中吳云逢敬書

懷先民賦 有序

烏涇世儒僅有張氏其先開封人仕高宗儀鸞司門既  
扈南渡樂是卜居後寢昌大離列苑第曰太祝曰上舍  
曰進士角德翼義咸負譽望曰驥院質木饒貨益丕拓  
湖苑屬元和官脅佳其第為倉征邏司族就衰替十有

三世孫隆力田授徒幸延餘緒搜擴遺勝踈廢剗菜於  
是小山平林襟帶溝池凡樹石岩壑以植以闢積勞于  
躬初有成趣至正丙申苗兵燬掠柶齋僅存又十年隆  
盡歸之于余乃因其旧稍更新之增崇浚深標奇著美  
遂號曰寂閒園且坎其所在用載用詠之美尤惧跡忘  
於漸事湮于久復名其山曰先民一丘溝曰先民一壑  
立表兩間清池秀萃庶乎見景慕于前脩聊示崇廣于  
來裔也予不敏蓋有賴先君子庫司勤公於茲土天用  
食振畀有世業於乎凡我來裔詢事考蹟以無昧于先  
民則吾先君子之德其忍有忘已乎序而賦曰

繫予嬰世患兮幸謝病于藩垣家轉徙而仁里是擇兮得  
儀鸞之故園仰有峙瀕有流兮若天建而地闢矧磴繚崢  
崩列兮水落盪夫橫碧樹藂轆圍且合兮起拱把于封殖  
蔬畝麥疇昏映屬兮匪一朝之人力詢肇基于隣叟兮曰  
高皇之南巡箕塊輦石畚鍤並興兮冠蓋續如春雲迨國  
變而門祚中衰兮尚矜佩之振：何集慕于暮齒兮室罄  
懸而斫塵夫締褐代服兮鼓鍾代奏鵲巢鳩有兮鳩弗善  
搆緬惟顯老兮著效茲土默相俾承兮猶曰納杵期一日  
必葺兮覲三年有成懲鳩毒亦狃安兮怀熊膽兮劬經在  
旧喪有時兮田祖有祭一丘一壑兮先民用字延余薛之

顛爽兮激烏黃之濁流鑿雲間之聞淚兮杠谷口之鳴騶  
企文學于東吳兮夢禮樂夫西周庶景行奕葉之作者兮  
而忘劬曠學步之貽羞乳曰饗有蒸別有蘿流後深兮峙  
增我月闖林兮露洒翠直少微兮迴明河魚戢兮沫煦  
鶴脩兮影摩山鬼卷甲木客寢柯伊予弊冠藏之層阿  
造化邈焉畛域兮萬漚咸歸一波感氣類以相聚兮宜神  
鑣之聯過於乎孰謂同野可哂兮而爭墩之可訶

林屋餘清洞賦 有序

洞予始而竅間園之清 萃前後左右中時直節小  
峰一殆主山也下列樂石二曰泗磬曰豐鍾用節咏歌

長夏客徑造國蒲或坐移日因作是賦以見暮志云

爾

餘清伊何秀割林屋土山抱石峯矗拱豆岡負甕谷頽菱  
茨仰篁木通壁門兮包洞腹雲一窩兮陰四綠水百步兮  
寒三伏戛泗磬兮豐鍾口商歌兮踞吾足蝸如知兮移響  
鵝胥志兮下浴水幽黝兮涵衣日早暎兮隱轂夫赫使兮  
彈鴨 與兄兮友鹿 濟虎兮岩居 朱猿

兮嵩麓高太素彼或不死以尋盟兮願躬候兮遐躅好風  
誰將適洒徑苔高士杖憇孤臣襟開我巾飄兮倒影在杯  
頌茲盡樂鑿昔可哀文賈諂于新室琴挑奔兮蜀臺鸚鵡

殺其鼓吏况香窠夫仙才幸羊質而早戰延馬齒之詩摧  
葶悼著玉梧悲秋回瀉地苦汗漿征塗浩歎埃席帽之翠  
岌然挹練江兮故園鞠為蒿萊兒且闢而且搆兮庶往還  
兮優哉童虫兮劃大笑奚嫁恥于陶里壘

言婦吟

歲友閔兮蓬戶月微行兮藥圃兒相春兮婦秉杼不遑卹  
兮寧疾世迤弥矢具弦兮狼角若崩雖以聞雉兮錫安  
鷹霾黑颶兮矐黃蜮興有求山人兮言歸于澄

六歌 有引

六歌者寂閒園丁之作也丁婚娶幸畢齒髮加暮才業

不能上于人足跡則巾勢途相背蓋二紀矣夫考槃采  
芝世莫追擬是什也竊惟豐山鍾霜至而自鳴歎

其一禮雲曰

雲何禮兮山中高子兮今天東南或碧合兮素抱類愁思  
兮從無龍獸僉睛兮降西極挾風伯兮走沙石鷁退飛兮  
鴻無罣迹渺親舍兮獨耿兮聊致恭乎松柏

其二懷霖曰

楚軍挾纊兮燕谷温我姑置兮緬懷殷人殷人兮為誰氏  
感高宗兮岩穴起霖大旱兮舟大川上剡析津兮騎箕尾  
聖途雍兮賢達夷風猖兮獸隨據梧瞑兮魯移時况三尸

兮籲帝以詞乘大輅兮冠嘒雲翕爽兮降下土

其三賓月曰

寒糶轆兮安之陸媚狐兮川噴鯨帽高屋兮裘重披偶賓  
月陽罔兮如夙之期光溢林兮爽決豆卮石立諸生兮後  
先孔儀舞鷄念兮飯牛志睽氣夜存兮鄒孟寔師井絡東  
上兮河鼓向西望舒駕邁兮影流堂墀今時何時兮斯覲  
匪夷

其四埽葉曰

冬迫兮秋徂鳳郊麟楓兮無時樵蘓溪園數畝兮兵殘燹  
餘林葉燮兮若天委地輸且箕且箒兮磬折老軀勞甚

爨骸兮心無其虞彼薪蠟屋殊兮負莫我俱

其五采薺曰

山黃落兮帟現石体水歸源兮洲露鯨尾乖雷震兮喪七  
馬無鬲兮車無柅病謝至屢兮鬢變餘幾重孫何知兮跪  
進素履諒苦節卒貞兮園菜有薺

其六嘖和曰

寒日薄兮西枝身重壯兮無時慕伯玉兮耆化忘李廣兮  
數奇維馬兮齒老前齊師兮病知道鱣脩大兮泳淵雉章  
兮伏艸誰其逃兮民之先嘖至和兮彈無弦白雲抱石青  
壁劍刺天席柔不肉視兮內養維全

黃良臣哀辭

有序

辛亥春某倉儲事覺上海連黃氏子良臣良佐械送秋  
曹臣謂佐曰元季凡隸于倉者猶荒雀趁熟耳今倉禁  
嚴飛灾况逮不翅火燎毛我本孤哀嬰保護之傳教之  
迨長皆叔父賜也我幸無內顧辜功弟委之我尔生还  
塋我先壑以報林父于地下歿存庶均安乎遂相對慟  
聞者莫忍仰視比推鞠一如所言而佐果得釋林漂和  
謙春好礼与予善臣氣幹類燕趙產孝友盖由天性云  
佐一日裹麻拜請曰佐父母蚤世伯兄又徇義死黃氏  
德祚延俾舍中有一尺雛必壠伯兄後先生大人行厚



過聽馬子嘉悼久因附具言於哀良臣序辭曰  
大夫殃及城火遺酷吏獄具卒毛辭借死厭衆古有之子  
安者何命非時驚風千林枝葉披柳車道擁山川祗伶俜  
從弟莫已思斬天繼祀將弗隕戒哀蔽以七字詩朱顏鉄  
肝天下奇

焦德乙即哀辭 有序

焦諱白字任道本淮人遷長于吳村志不羈張氏初辭  
湖學教授避客泖海上興到作詩画卓不凡醉或濯風  
弄影泉曳影月下俗目之迂白自若也張止所在菟儒  
遂變名德乙即浮寄冗食僧舍惟久于嘉定之林卮家

一夕心動省母吳城為門校察延淑其子未幾郡曹栢  
至部以還養告弗獲窶且病或諷曰若頽而鬢黃金加  
鞋爵列侯等不猶 帶索耶輒不答去殆伏枕作書二  
一囑嫂姪善事母一謝舊卒時歲在龍壽甫五十考  
文垞天曆間社稷署奉禮郎予其兄行也哀之辭

曰

德乙即皎衣義不汨峨長于泥裹骸骨以歸無從淚揮  
噫

曹傳哀辭 有序

傳字幼若宗賜金紫鄉先生頽之十五世孫也至正乙

未亂父銅陵學諭諱思順憂悸歿辟地既兵猝至二妹  
 義不受賊昏蹈及死傳被創絕復獲幸姊甥鼠免共畢  
 塋轉徙至海上丁酉秋以予荐主張林塘家首過焉出  
 累葉遺藁一束謂曰傳僅保此天不斬藜桂餘澤使枿  
 復芽而復有儒胤家難庶其忘乎予荅曰仁者必有後  
 自是交忘年十年屬歲丁未八月適中寒卒於予傳孝  
 弟篤信人也奉姊稱賢節杜母訓甥矩作鄉社師在平  
 居言動文為又非淺露器而壽甫踰四十予嗣靖姑二  
 歲嗣紳未晬其命耶賻以斛米斗酒哀之辭曰  
 涕之班兮雉儀恭敬與兮持裏旂深褐兮衣擊帶垂弗利逃

亂兮適丁禍奇親情卒兮妹義死痛巨創兮氣餘絲藁塋  
 兮封土姊灰容兮共艱苦野梅昧兮鶴驚辰沙衡從兮鴈  
 遵序蓬轉櫓食兮方及此海塢假館授徒兮粗緝世緒不  
 大厥鑊兮烹小鮮無肉于亘兮有蔬于遠嬰襁祿兮乳下  
 甥佔嗶兮膝前夢藁桂坊曹氏名坊兮析蔌懷孤栢父號栢宿兮  
 蔓纏何東南游變革兮溘厭氛兮長指於乎命由天  
 賦道繫時尼奚悲鵬止焉樂馬失諒消搖故鄉之先隴兮  
 檄葱蘢兮倚秀鬱孔禰交不可復得兮聊媿廢是吊莫之  
 以邱爛雲兮華星愴對兮篇帙

仲倩許生桐哀辭 有序

木澤集卷六  
桐字友倫同郡許恭和季子也予之仲倩也許氏臣承  
十有四葉而桐孝友睦卹之間錚錚族里間尤工詩鷗  
綬翬章影日妹洵不幸三十卒予撫哭曰許氏杏失一  
林吾家詩減一派矣既哀辭曰

榴英：予朱房芟濯，予翠裳筍登，予藁宜縑，雨壞風  
予又隕，以夏霜行，豐壽晉予仲倩之傷，予復何喟，悔  
交來予志孔厲，高扁鵲予去，晉陋華佗予死，魏已焉哉，詩  
減一派，予載滂予涕。

租籍銘

有序

租籍一帙先庫使某亭翁之予書也逢倉卒去己未亂

物多散遺而此儼在沾洒伏覽尊容如對之字畫外曰  
憶幼時侍側承言近代有王士良者本庸氓歲租入義  
令種戶自量士良字由自董易致感兩蘓早見載鄭上  
舍所南錄爾小子善推是心曷事不濟逢佩服幸老矣  
序而銘曰

粵昔去亂廬燔田墟手澤之存百艱身俱維存維天猶古  
作則繁星寒芒蒼栢勁色秔冬麥夏平恕行槩醪歲餼漿  
汗力是貸偏取下邑一石二科倍取旁歛貪涓成河孰善  
為導庶草風靡歎恨聲蠲胥樂田里孤露餘生弓箕忝承  
序銘藉左用飭後仍

銀星硯銘 有序

硯許泰和氏所藏物也膚理縝潤微縹有星熒：然印若銀磔蓋歛石之精者周郭纖圜上下均一而模製尤工既以微予銘予謂許自扈宋駕南業匠凡十有三葉迨泰和道益彰更涉世患族姓具全遺物並在其守之確施之浮者歛遂為銘：曰

少陽委精歛孕英金礪玉琢蒺素芒体屋用昨泰和堂涉世多故同壽康孫：善藏世永昌

張氏石几銘 有引

几蓋元故叅政公諱璫園堂中物也成宗朝家沒几為

隣有幾六十年兵興世遷而公立孫守中文行日脩勵几復焉予嘉歎而銘曰

趙歸壁合返珠茲几石二者殊不迷復有孫儒祖來馮光氣敷心祇若左右隅浦維黃涇維盧尚永傳戒尔孥

章氏徵懷樓懷銘

無渣滓酒則徵無物欲懷則激汪：春波維德之朋

山雲牧銘

鮮衣怒馬波皆子舍敝裘帶索子不我却富貴多危貧賤乃安將子是倚是賴尋薇藿于山間看牛斗于雲端庶乎免世俗之難

瘞冠銘 有序

冠名製不一予中歲冠處士冠養病最間園自是或我  
而瞻仰而扞俯而擷者九閱寒暑一夕戴微月入幽貞  
谷將登濯風之所適露磴滑足側冠觚石以裂目懷九  
寒暑間避兵塵再今儒卿守臣致書幣以予應 詔  
三卒苟全且不起莫復旧業与之照影大江挹爽君山  
至同朽席帽下舉隴下詎非願歛冠已矣予忍敝 乃  
今數遺老髡而藏識而銘曰

予髮根于天禮維爾先寧觚石碎不抗塵全噫以尔  
不若廢屨以表以辭異夫敝蓋惟新加之首心其故心

儉德堂端研銘

維平維方違險益常兮維重維厚靜乃克久兮玉韞  
類養引恬兮殆惡文者雲霞緘兮時否斯貞道亨其泰兮

存心齋門銘為郡知事海寧楊子明作

一氣肇分萬彙其芸々乎命于兩間最灵其惟人乎心宰  
夫身其猶君乎六鑿其從而委臣乎其靜也先天地而存  
乎其動也後天後地而神乎疇亡其誠而離其真乎蓋去  
其根乎猗歎元僚其揆其存乎爰闢齋居八窗洞然其無  
塵乎藏脩息游儼若思之辰乎存所存其事天乎推所推  
其新民乎朝斯夕斯將同歸道義之門乎

鐘銘 有序

上海靜安寺旧鐘入于官寺僧覺曇募銅至六千斤  
鳧氏治範成且有日乃介前淨土住持元淨乞梧溪山  
人王逢銘之銘曰  
金聲為物鉅曰鑄深澈泉府高達穹谷傳海應流景風祈  
息諸苦開群蒙耳根空淨心觀通六窗且圓佛性同博  
功施垂無窮

虛龕箴 有序

韓景賜司丞子頤聞予密室成為寄木綿布帳用資學  
曰顏曰虛龕而贅箴左方

龕中虛息以予之虛中靜與俱夫舟載諸物穀運八徼光  
燭群暗音應萬窮虛其妙哉君躁于治而民轉犯虛其  
也臣急于察而吏愈貪虛其塞也父子兄弟夫婦朋友凡  
憚虛者世共疾焉使一日拔地起山嶽而不為礙使一時  
巨斗弥雲霾而不為昧不隘于江海漲溢不動于風霆震  
駭斯虛之太者予嗟夫顏子寔君虛予老未聞道臥而氣  
昏坐而形枯烏知用易之二行六爻位蓋無中庸心學天人同  
徒將蹈晝寢聖謂何誅

三教圖贊張渥牀厚画題於味蓐軒中

東魯一貫西方不二老氏得一教分道異忠恕而已竊聞

諸師厥它未遑莫既贊辭

石生贊二首 有引

密室前列峯二曰蘄角生玉筍生中置小碣命工剡辭  
羨善懲逸庶望子弟焉耳

石生蘄角重重厚端確出我門地隱若一岳浩氣直養道  
体有卓立雪肅然類也古學確頑受煉璞渾聽琢誰甘下  
愚視此因覺

玉筍石生秀鏡直生抗節淇綠含和藍英伊誰偕藏蘄角  
肇纓梧月旣彩竹露與清軼塵席丘嚮風穀城用默絕晉  
永崇令名

癭石贊在先民一丘間

石有癭璞無脛無脛健走以售速剖有癭健守不偶致壽吁山  
藪藏疾天造就爾質

直節峯贊在林屋餘清洞間

小峯直脩磔砢錯節靜壓岩洞崇餘林菱矯生風隱  
鑒雪受命不回我瞻則悅

鵝生鷹傳

鵝性剛慄身視鵝不能十一凡見鵝經巢所輒不絕鳴奮  
焉翀旁批上擊鵝引去乃返若護林然故又名鵝舅鳥有  
蠟味者子將誕巢率依鵝否則鶻為伯勞害伯勞即鵝

惡鳥今年丁巳鵲巢竄園大柿木既產雖一狀鷲而小  
色竊 藍玄白而稍察之則屬也屬克自肉食徐遠  
適云或曰昔宋康王時雀生鷓不久社屋今雀<sup>鵲</sup>邊惡保善  
伴他類遂生養每雀異鳴種九出則應天時閔人事少皞  
用名農正官尤非鷓儼斯寵徵乎予聞而輒曰予涉強壯  
年未始祿升斗茲謝病且老奚<sup>尚</sup>覬然帽峰隴畝在天其示  
歸田哉

走菜對

漁者市螻蛄而號曰走菜恠而問焉漁者是螻也俗以走  
菜名逢曰菜穀之配菜熟人無饑色此名辱菜也漁者曰

此菜名猶昔人無以為菜也逢曰奚以走為豈其蠖熾然  
其目炬然其足戈然其居穴視專城然水煦艸食橫行無  
前得無螳螂觸輪之勇乎涕者曰螳螂激壯士有功彼雖  
披堅執銳不過據地馳貪而肆暴遇敵則走以幸生如是  
而已逢歎曰蓋色厲而內荏者歟今食焉而避其難者亦  
其類耶 漢者曰子未知走菜曾不及  
烏賊胸中有甲也尚敢望螳螂哉

題頽栢貞松泉卷

長松蔭寒泉離々石地扛幽人於焉隱頽仰與世寡鶴巢  
雲臥時猿飲月明下悠然古根坐漪舞翠雨洒餘齡三休



真昨夢一炊假萬有靜觀妙庶希得道者松花釀米醇客  
至歡洗學

贈陸貞婦趙氏 有序

氏為安吉幕長潘之孫女郵處士陸燾之妻也至正間  
西浙多虞燾辭海寧主塾與趙隱居松之瓢湖丁未夏  
海隅有警兵猝至燾夫婦倉皇赴舟未遠同難者爭舍  
兵陸竄燾將携趙行而兵偏之傷刃者三遂仆溪淖趙  
遂自投于淵時有歌之者曰四月三日兵抗湖婦女多  
被辱與驅殉節伊誰天水姝燾字子臨雅交于逢序而  
詩曰

瓢居澤國奧草木潤不枯千年瀋清氣鍾毓負趙軀貞趙  
名門息良人列仙癘廿載甘蓼同一旦幽明殊覘兩有穴  
螳相風有竿鳥夫：婦：職焉知兵為虞維北崇澱山廟  
顏秦三姑似傳雲鶴君招要天水姝綃裳翠兩蓋明月雙  
佩珠邦侯俾從祀庶後：世溘

愛萱堂 有序

愛萱堂者瓢湖夏生齋奉母吳氏之所也齋與母弟鼎  
幼失怙吳時甫三十志不再醮撫育二子及長且延碩  
儒以訓之至是並敦學行崇孝養名其堂曰愛萱前進  
士錢思復為記其事母今垂老而康樂途壯年予併羨

之詩曰

故戾義種瓜隱士義株芝孝子知愛萱樹對母氏帷雪芽  
獻春饌緗榮坤拱儀天人至交戕裕然全貞頤歌湖清且  
漣鮫館水蠶絲方諸淨開鏡伯仲隻從發長願寸艸心釀  
作蟠桃危嗟々凱風詩棘薪定無特

故鄉先 贛州興國縣尹葉公挽詩 有序

公諱森字仲寔其先江陰人凡七母止一子故無友親  
曾祖青祖起采潛德弗耀考祚蚤孤自樹會元師南下  
率西鄙數千百人逆謁裨將于陳沙莊昇矢一及尺帛  
符里族賴以全公性愷敏通蒙古字學郡推擇為譯吏

兩轉授將仕郎兩淮鹽使司監運網船不勞而集改鹽  
官州判官適大侵負海寇駭凶焰蓬勃公擒其魁迨黨  
豎十八人時斗粟十千殫殫枕野屬倉庫並罄義激巨  
室羨贏糧三千二百二十九石鈔八百五十三定賑四  
萬七百人復以二千一百四十五石殺直續濟二萬六  
千六百六十六人省臣嘉公拯荒有緒檄相富陽一如  
治鹽官得米二千三百石療飢民一萬一千一百一十  
九調新喻判官時蒙山銀場以官祐抑民市木炭由州  
抵蒙路阨靡即上白西省蠲之旱屏僚吏齊沐以籲雨  
三日農以禳慶丁父艱起推正高縣尹俗尚計有大猜

况菟挾子姓作民害言之部使者榜謝市仍疏惡于門  
 以幾出入豪橫股粟邑浮梁當要衝歲脩輒歌圮躬募  
 義士黃氏等共分田置莊贍費自是梁永固官無煩焉  
 繼母吳恭人訃聞奔還哀慕如寔生已服闋陞承宜郎  
 贛州興國縣尹比命下先道病卒時至治二年也壽五  
 十八塋附黃歇山祖塋子仁廕嘉興石門巡檢累遷樂  
 平判官位改綽有父風而優于學問樂平子材改授  
 蘭溪判官蘭溪子齡一日袖同進士出身傳貴全錄事  
 所製公墓銘并有詣予惟生晚世亂甘晦以老竊嘗錄  
 忠孝節義數十百於鄉先哲敢辭乃追挽以詩曰

老馬知歸途游子久異縣鑿<sub>々</sub>鄉執銘芝鳳喜及見士生  
 遭登用似帆得風便萑藪拔若門菜色驩海甸山丁蠲徭  
 役田畷慶豐羨猶塵蒙股粟梁鞏衆心眷訃奔繼母喪淚  
 沁沙弥荐吉服戒中路河嶽氣恣倩遂成采真游孰謂游  
 魂變幹虫先後烈竊交忝遺產大江流踈星其波自紆練  
 安得六七公為嶽襄陽傳

題金故翰林修撰魏公狀表後 有序

公諱璠字和彥弘之順聖人也曾祖餘廢大理評事寬  
 獄多平及祖子貞堯谷館酒使父德元甄官署令公忠  
 明剴簡奇節自負由太學生中貞祐三年詞賦第丁內

艱服闋調會州司候不赴正大初補尚書省令史時上  
廣言路公首論將相非其才且不當立宣宗德陵脫河  
關失守必罹凶禍權殞隆德宮使故事省史無言事例  
上優詔答焉事克寢遂辭退迂褒信縣令邊邑也屯兵  
橫虐民公按法不少貸衆擁其長挫辱之公正色折以  
理莫不褫服改儀封大建孔子廟三月政教興以母高  
年老請就養京師七年倒迴谷之役屢提僉謂中興可  
冀然將臣駐兵關上莫肯席勝遂北當國者又力主投  
瓊孤注之說公憤然上封事引喻符秦淝水之戰正愷  
切不報京師戒嚴復極言勢危感矣外鎮曾無勤王者

唯唯隴師完顏胡斜虎可委伏宜遣入論大計又為權  
臣所扼閱數月斜虎提軍入援上悔無及桓山公武仙  
頓兵五塚山欲趨之難其使迫侍李大節薦公召拜朝  
列大夫翰林修撰時國門外烽警相望公感泣拜命比  
至仙已遁部南散無幾公抗集數千人推司使者造符  
印予之自劾矯制罪以聞繼訪仙在南山公直踵馬或  
譖公奪若栢仙怒兵皆露刃外嚮一吏與公辯公大  
声曰將軍過信終不加禮遇乃俾齧一小吏與天子  
使置對耶且將軍猶狐疑山谷間而左右無異心者以  
天子宿將故也苟不尊天子命安保麾下不有奸名犯

分者乎將軍務鼓行毋慢王命也仙揆不能屈出見公  
公激進援卒不應聞乘輿播遷間道走行在天興三年  
再自歸德扈從幸蔡城陷北歸賢聞達皇元康辰歲詔  
徵之尋卒賜字靖肅無子從孫初後任至南臺御史中  
丞仁宗追贈公翰林承旨初河南叅政謚忠肅其孫山  
東運司知事貫久避地吳淞世革後貧窶益甚而不苟  
祿仕間示予家乘貺為題其後祖叅政致仕誥復  
合渾源劉郁河東高鳴所製靖肅公表狀序之詩  
曰

維公歿魏科戾契仁叔世疾風草弥勤錯節器乃利心折

謝去師志奪韓愈使及歸國如燬涓水莫止沸波蒼鑿忠  
赤異代豐爵謚狀表垂百載讀之凜生氣羊頭醫桑乾貽  
厥漫刺字鱣江歲復宴搖一雙蘭杞有懷置無言抽毫諫  
神思

送楊生遂出贅有序

生字士初為芝泉先生孫又從游予門茲出贅請別也  
贈以言曰秦俗行雲間弊滋甚矣近見巨室婚某老且  
有孫而家廟僅有妻祖稱神主因諄曰若承外宗則歲  
時饗先將若何某哽泣不能對他可知焉生永嘉鰥步  
世儒族幸鑿此母蹈住拜受已徵詩一曰

秋清五綵輿僕夫臨庭除即君美冠帶出贅南且問借問  
何所將一筭先世書外翁朴茂質  
新婦玉雪

安牛羊先後闌繫徐環前渠強近親復盛行矣慎向趨情  
昵移素存溫飽忘遠圖願言于飛燕更効及哺烏同室異  
祖祠祭告誠交孚傭販化成俗毋煩邦夫

題武州守張公奉先遺藁後有序

公諱思孝字奉先高曾祖仕世居潼因亂徙居雲中父  
林饒質善殖問伍人貸錢粟輒予比償輒諭曰粟易因  
陳錢散因盜予本意也奚以息為或婚喪弗舉助賻靡  
恡有相者曰若多陰隲當生子貴而受封公生年十三

師事燕名士史彬然繼授尚書于姚匡弼遂博學長文  
辭由儒諭遷前衛教授陞昌黎尹未赴分省番魯叅政  
辟為掾至正己亥寇闕偪城公率驍騎出翦六醜首還  
而番魯遁急追正曰兵民方奮志決鬪勝則功顯死亦  
忠也苟棄城走如責守何夜復請以族党家僮前鋒自  
効卒弗聽既他將代鎮朝廷咸推公謀辦改擢都  
事尺獄案覈讞平恕明允衆號曰拜都司云轉守武州  
皇贈林太府監丞尋以武重地常調官難設施署公行  
刑部負外郎兼知州事於是材勇集爪牙樹法律嚴懲  
強暴沮伏然忌將多弗協戮而國步亦感矣洪武己酉

召至時宰數獎勉留期年卒辭歸謂子亨曰此無負吾  
 學耳壽六十四終妻夫人華亨婦劉罹兵不辱先公死  
 之舅氏及继母妹老無依養塋並如礼育嫻旧子女孤  
 貧者三人俾習善執稼<sup>娶</sup>焉迨所遺藁有訓亨曰意當極  
 快處心有不平時少忍應無害欲言宜再思題二喬曰  
 綺窓花落東風軟曾讀曹家女誠無懷廢道中曰一眼  
 濁黃天繫濶半眉老翠太行昏辭歸述懷曰敢效子陵  
 辭漢爵願同巢父樂克年志行槩可見矣亨并乞予紀  
 錄咏乃序而詩曰

雲中漢名郡恒山南鬱行桑源匯金龍

栢林亘飛狐

剛勁風氣關文章肇崔

虞

彬

張奉先發軔三轉

儒薇藿首食蔭花縣遑治蒲塔幢稍參昂

雷湫荐潢

汙

別業帟峪側寒柘聯瓜壺霜寒快雪霽小隊短

袴襦瘦馬從黃蒼逐兔充燕娛塵高冠問逼翦醜大血顛  
 倡勇願率先遁將寢所謨朝命佐他幕蔚破楊誠俘一時  
 稱都司綜覈無遺銖武州遂縮綬刑部仍公符堡列屬鼓  
 鏡齋開衛戈爰焚黃拜酌酒五色日動臚不謂鄉困弊游  
 罹兵掠屠家蹈白刃双兒泣青灯孤雁賓群人楚蝸蛭卑  
 達吳有天戴重泉無地返故都遺藁累百首暗夜光璧珠  
 烈々悼亡詠汪々運甓看遲々去國懷落落々逆旅酤憂情

何當平忠義日月俱竊笑投閣老玄經亦童烏

史彬然者周王謀客也勸王即位席林詔天下然後之  
京王遇鳩文宗搜邏謀者彬然聞張林重士尚義變姓  
名託為至正初如京與宰相啟有曰運籌聖帷之內寢  
而不行艸詔御榻之傍惜乎無用及見礼不少讓或勸  
之彬然曰我向侍先皇燕坐彼皆執酒炙者耳仕祿寧  
不得氣即不下也既奏擢翰林應奉上曰此先帝遺  
宿宜獎大任宰相對以布衣須循階秩彬然曰吾哀矣  
豈為人應文字耶歸志浩然壽終高唐鄉里其于經史  
天文術數固不精該嘗語武州曰惜幼不能盡受吾學

汝垂六十當見國改汝家子若女必有以忠烈顯者至  
是果驗言云

謁浙東宣慰副使致仕任公及其子台州判官墓

殘陽燠青苔檜夾神道古春惟任公瑩穹碑几風雨龍江  
餘衣帶駝阜猶偃釜荒寒螿尊堙滲淡蛟徙戶旧封四名  
和包俗吳水府不有疏導跡未已昏墊苦右軍社稷器世  
仰法書祖公也白公鄭渾才游戲追顧虎台州我姻媿悅  
節託玄國指隴面北辰霜至夕宿莽愴悅來軒車頭顱愧  
章甫

予避地青龍時聞遺老言東盡艾圻浦皆茅荻茅篠居



氓十餘家日弋水禽野雉為業公產是間輒異群兒習  
負笈力學年十八第郡試既冠宋革命袖一刺見游平  
章竒之辟宣慰掾繼省授青龍還官俘蟠龍寺作耗者  
至元二十五年擢海道副千戶以功轉正會征交趾改  
海船上千戶是年浙西淫潦建言河沙滙乃吳淞咽喉  
不先此而他濬罔効大臣不納後果湮塞大德七年重  
濬平章闕里起公督七十餘里萬畝鍾之役井然有條  
率入覲成宗勞賚有差進都水監丞至大元年除同知  
嘉興又明年遷中尚院判官適大都統惠河閘底鑽水  
汎湧覆舟訛傳有恠物中書檄公不兼旬繕完會通梗

澁復窒泉眼鑿僵沙舟楫以達進都水少監河決汴梁  
溢入歸德府治公結邊篠鳳埽河口築堤五百餘里以  
扞橫流編戶奠寧延祐三年出知崇明至治二年

海激岸圯鎮江練湖淤積並命公治泰治改元詔賜銀  
幣與行省朶班左丞六郡疏導吳淞二道事竣加江  
陰尹以七表聞上不聽任都水傭田使司副使計創石  
閘六築塍圍八年後溝淤千有奇太湖象水東入于海  
四年鹽官海渚為害公一如制河決用再帖安以中憲  
大夫浙東宣慰使司副使致仕壽七十三卒公諱霆發  
字子明月山其號也所著水利書具存尤善畫其熙春

天馬二畜仁宗詔藏秘監其先本徐邳三山人考珣贈  
高郵知府妣夏妻高贈樂安郡君子姓多致通顯曰賢  
明精實太師針煇至正初學士揭傒斯引見上欲官之  
辭歸曰賢佐由廕累官台州判官階從五品遭亂遠引  
相知予久長兒掖寔娶台州女歿而自烏涇往祭就謁  
宣慰公墓宣慰孫璞嘗割田二頃贍青龍鎮學迨世變  
一褐畝廬義不去圻上曰示墓碑乃錄其際于詩後以  
歸之

覽魯道原提學舊送伯顏守仁會試序

道原淳安人守仁善畫竹

草玄收子雲養生殺叔夜言從奚行違腹誹或唾罵魯公  
山澤姿天子親策射一丞丁喪亂累辟力辭謝影息還栖  
猿臍退食栢麝茲文氣忠激王杓迴紫華匪惟振懦頑寔  
足裨教化千雁天機露水淮海馮鋤菜少我匹畫竹無  
尔亞每過鄭同襟徑去阮獨駕春暝舍飛馬兩淳安下  
帶羅拂松花絮酒漑蘭藉尚懷推凡行繆敬沈元舍

兒掖後執經灯前講王伯特立筆已矣竊

嘉絹增價為移淇澳陰茅齋捉清暇

鴈門秋意圖為大同郝雲表題雲表每具弟久僑京  
口命費松年寫此以寓鄉里之思云

代州嶺頭開北扉地形倍高風斗威張遼牙爪將名在沙  
陀獨眼龍潛輝晉汾水落趙日微楚萍宴大吳菰肥雲中  
羽儀伯仲氏南來雨雪序不違北辰煌々天旋機伯仲行  
逐春鴻歸春鴻歸冰蛆美柘拔舞進葡萄紫人生如無樂  
鄉里

柳津孤鴈看題送烏涇黃生散往潁上兄所

浦水渾柳津短々忍攀渾莫浣才郎衫佩青于莎將隨孤  
鴻渡淮河酌之兕觥歌驪歌々長酒深奈別何

邊至愚竹雉圖歌

有引

至愚諱魯生宣城人材器超卓以南臺宣使奉臺命曰

諭時嘗為鉄崖楊提學寫此畜後至愚竟以不屈死朝  
廷追贈南臺管勾鉄崖既序其事復徵予為之歌曰

南臺管勾有氣節予寫竹雉心石雉鉄々崖扞其三寸舌  
奉命西諭慎開悅韓愈一使廷湊說竹不撓寧寸折雉寧  
死不苟活使衣無光日明滅悲風蕭騷吹駟馱脊城竟蹈  
鄰生轍土花尚碧長弘血我為作歌旌汝烈

吳興楊烈婦辭

有引

楊節婦吳年廿五有殊色至正丙午秋八月大兵將徇  
城吳自揆汚辱生寧貞白死携二子竟投苔水逾月城  
破父媪見其母子並浮若不相離咸嗟異矣天台旭元

明長老交吳之兄為誌其事予又曰旭請咏于辭云

丞相師昏長夜酒

司徒援絕憑城守七萬兵分諸

將屯坐視霜折暮柳冰肌月貌忍泥滓錦繡觴佩同歸水

九愧原無愧先人面終身不作他鄉鬼君不見離戈白馬

氣如雲昨者烈丈夫今日降將軍於乎楊婦吳氏何可群

汝瓷解引同張耘老蔣古心倪自明三遺叟賦

有序

解本宋高宗壽成殿花瓶御書遺刻尚在既破而二人

裁為解故人某購得之數出以宴予後某以憤卒解今

見於他氏感歎不已形諸短引

汝州瓷治灰以寒壽成宸翰猶龍寫黃金為相號曰解酒

面細綠旧花氣我嘗酌月江動搖故人髯掀髯把風袂君

不見周鼎遷秦在歌露盤傾唾壺缺嗚呼髯兮死憤嫉

鄉之鄉翁得珍物新朋交歡勸酬密席端淚落哀慵

筆

贈朱生弦

有序

弦字孟清上海人性孝誼前邑長九柱閭公見而器焉

求于其父以為義子政閭公野處窶甚而弦克敬養歿

買山塋如礼復營怡愉堂母事公夫夫三十年犹一日

民有棄舍償通主者妻孥皇々無栖弦贖还里婦相煽

奈悉發曉諭得止至若羈士趙墓廬教授駝塾被辟發

願疾走山澤中遇弦遂脫難知予南園隘購地廣之予  
固却弗之聽并用序而贈以詩噫豈溢美哉斯善也  
詩曰

雲東富家多北堂移孝義母無此卽竹萌戴土春鯉赤橋  
子滿庭寒雀黃雀為母炙魚為鮓朝進盤孟暮杯尊慷慨  
氣激燕趙間淫蠶俗悛桑濮下寂閒園丁菜飽光卽復廣  
園半百弓報之一字一絹直疇為賡歌愛日中

瞿仲謙先世雲岩翁水雲自在堂卷趙松雪書馮海

粟序

黃茅斥連鉄菱沙青牯歲服官鹽車变迁劫灰凡凡見自

在水雲餘一家高堂巍若鏡光曉霽采倒令峰影裊涵濡  
爽氣散金鯽歷亂空明兼白鳥軟莎暮石堪枕漱偃柳為  
梁謝工巧汪洋海度性天中歎乃湖歌人境表先朝詞翰  
兩勅敵三埋兵塵埋不得吾宗旧種趙全璧世所共驚神  
所惜素受繪膏傳灯笋生齋祖本仁義之澤詩書承寂間  
園丁病始興銅瓦日射烟紫疑蛾聯快 鈞廣奏蛇縮愧  
續龍鳶騰春風酒熟當過汝月色灘声瀉前俎破帽縱橫  
綉落花潭心蛟殷冰絲杼相拚一月四十五日醉莫問誰  
賓復誰主

朱家奴阮辭

淮陰三月花開柘使君死作殊方鬼眼看骨肉不敢收奉  
虜稱奴聽願指經遼涉海三歲久以蝗為糧麥為酒爨骸  
斂骨何足論親足見徐山墮天狗今年始得間道歸城郭  
良是人民非主家日給太倉粟殘生猶着使君衣攬衣拭  
淚使君室涼月蕭蕭風瑟瑟回頭還語玉雪孤勿辭貧賤  
善保軀瞻屋未辭雌雄烏

太真號國二圖為郡牧長理熙伯雍題圖係周昉所

畫

有唐社稷冰山重三白楊花同一夢就中玉環春思酣錦  
保兒將犀果弄兒驕蹴踏飛龍鞞直把東君道斷送馬嵬

羅鞞汚青塵杜鵑淚血啼秦鳳君不見陽臺神女焚蕞王

當年元有詞臣諷

玄宗末年天降孽楊家有女俱朝列夫人身被六銖衣自  
惹香烟下瑤闕侍兒春間雉尾扇紅脂半露桃花面似言  
草、画蛾眉犹及華清夜深宴君不見娥英泪染湘江竹  
画昉見遺良惡俗

唐子華知州山水

唐侯至正辛卯間徘徊列宿即官班是時元綱方解紐花  
縣尚尔琴書間雲嵐黃旂紫蓋氣木石牛鬼蛇神顏岩、  
樓閣密室網蕭、蘿葛深柴閨扶藜老叟臨洄灣琴童殊

覺徒步艱何人驢背兀吟影與寄亦厭窮躋攀君不見瀑  
流天半落佩環款乃歌接渙舟灣此中佳處未少我鑿徑  
擬背盧家山嗚呼画史五馬何時還

重過望亭新城二堡丙申冬張氏築

憶昔扁舟自西下二堡相望無一舍吳藩判樞翻覆兒窄  
衫小弓矜騎射歸人重經但流水豆隴膏低復起長途  
遺庶數十家三四酒旗風靡君不見邠公遷岐山衛人  
城楚丘外患內脩古所伴成敗異嗟世偷

題徐氏脩學卷有引

今華亭縣學故徐德卿氏義塾也會字毀于兵官遂即

塾為學既德卿子亮裕上陳願廣之期年告成並誌諸  
石而士之才者咸為歌頌予詩曰

曩從辟地識徐卿義塾初闢儼似蟹負郭荐增田十頃延  
師躬泮里諸生魯隳乳壁聞絲竹吳破蘓臺走鹿麋令尹  
發揮新學記賢郎繼述旧家聲太倉給米來庖舍射圃揚  
旂拂棟甍登降有儀推揖讓仲瞻無極嘆高明庭槐夾夏  
群歌靜水荇涵春半壁橫把送自天麟五色裏蹄已鑄兩  
韓檠

謹節堂有序

謹節堂者華亭徐去奢為奉母夫人宋氏而作也初去奢

壯年負氣志部舟師隸東藩以功超遷亞中大夫江西  
福建僉樞既夫人齒邁即棄官歸里當是時安躁子弟  
蠟梯富貴恐後迨事至患及而蹈趙括之轍者何限若  
漢孝子王陽去奢具庶幾焉去奢名彥裕字仲寬世為  
素封之家又以庶民之孝痛自厲尤可稱也

居士前為都護侯戈船戍甲戌東甌風連蜚海青蘋夜日  
薄慈闈赤葉秋三組授來丞相幕六珈光動老人丘忽興  
九折王陽歎絕遠長平趙括憂美笳嘉魚重鼎引諼花奇  
石半簾鈞導輿復見潘安賦塾角曾如郭泰留堂上壽康  
犹事績郡中歌頌迭鳴球尚期丘嫂躬鷄黍客拜龍鳶禮

並優

寄石經歷兼東林知府孟善

謝病松江辱載臨別來兩地異徽音朝盤苜蓿齊居靜秋  
水芙蓉幙府深乘日文鯨飛有翼巢雲黃鵠去無心郡侯  
多暇風生塵乖說山人感至今

謝病後寄林知府

十載心存祖隴因六旬病守藥爐烟南歸始遂山人願上  
荐難忘府尹賢紫馬晝眠高柳日白鷗秋入火江天戴符  
老去非安分浪受襄陽百萬錢

松江謝病還頌孔文觸暑慰問口號以贈



村溪集卷六  
養病涇上四逾年五畝園林十畝田自首素心無漢閣炎  
風朱日似堯天已從蔣詡三開徑不望劉恢再覓船碩或  
能詩頗癡絕汗流却話雪寒錢

張光弼判樞遠過取間園

峰開南北再塵清考旧惟存張步兵一日教程風揖順十  
年霜髮雪絲輕詩題薜荔重猿壁夢醉葡萄軟馬營狡兔  
霜前落吾殼贈行聊激氣崢嶸

寄題李景儀雪岩精舍

雪岩嶭峨汾水湄借問龍去幾何時荒城莫辨產蛙鼃旧  
隱適隣鳴犢祠春青木客嘯柯嶺夜黑昂精窺斫池要知

仕學本一致松廳退食靜哦詩

遇劉元頌碩果軒效楊鉄崖体

澤縮襍裸山若孩爾家碩果熟經開金刀下動鯉魚尾紅  
枳暗結梅花胎客衣風穿寒太銳酒槽雨鳴春小來瓠瓜  
老繫從苦葉上林全借屬英材

張判府王上海數存問併答張巡檢枉頌

酒在陶尊藥在壺田園傍舍未全蕪三時兩候占龍母  
十日春容付鼠生恠禪謀有獲老憐審武使偏愚  
貴游下問終身事有愧鄒書未丈夫

松守遣謝張上海招飲不赴

雲林一辱徵書下客舍三煩齋馬過千里快風當六月中  
年斜日奈長病饑違松上銀鱸贈酒遠洲前白鷺波野性  
自今甘放逐水禽山鹿不吾多

觀靜安鐘銘

湧泉澹井獨經游鄭氏橋西舍取幽避地無因同管萃居  
鄰何道得羊求漫推文字登鐘舞共慶章逢謝石頭藕大  
王延誰貨得雪泥行非屈金鈞

會別駕潁漁

別業歸來千里餘秦山傾蓋喜無如青衫不污新豐酒白  
髮終乘下渾車地入東南空驛騎雪消齊魯足淮魚彼行

此住情俱得尚約鷄肥落木初

聶松江遣和上海具舟餞過烏鳥涇別業

荒鷄亂叫過鄰墻茂采驚采坐我床箭駛落湖千岸失鼓  
懸斜日甘田方行躔却掃羈孤地奏日除名老病鄉試憶  
大儒誰第一仲舒裁是漢賢良

庚申正月四日試筆是曉庭雪盈尺

雪庭掃罷若為懷体力差康道氣佳見有丈窮延上坐要  
餘法喜共晨齋江鶯春淺猶巢谷野雀寒深自入淮挑菜  
燒灯連社酒本來時命不相乖

寄錢泰和窩陳雲軒二老遺叟

天轉雲東上六符有懷無寐枕同孤紫芝隱曲歌商皓烈  
火殘經補漢儒私地春先梅老歲盛陰雷疾草狂蕪祖生  
遲旦踈殊甚不計中流少一壺

伏龍山然唯菴建塔松隱藏所書華嚴經因以先妣  
李氏瑪瑙素珠附焉并寄是詩

風卷重茅葺未能報先崇塔壯神僧一鰲峰湧大圓鏡萬  
象天開無盡燈負石鬼來雲似線散花仙至月如水吾親  
手澤同悠久喜附龍函取上乘

寄宗明蔡文仲

渺々三洲東一隅葺第先隴混畊夫道存醴酒曾賓楚城

破千將不去吳白苧袍成雛養鶴水晶瓜熟膾行鱸相望  
暮景須陶寫可信歌游老伴無

懷崑山頌瑛玉山嘗棄興家隱同里僧舍

吳門長嘯下青龍道過能詩禿髡翁九里水雲孤擢泊半  
桂霜月兩尊同黃金浮世官俱棄白石眠雲草自豐俯仰  
舊游惟病在海濱倚釣幾之秋風

題張後山西堂

君子堂開枕几山翠屏玉案白雲間柳行接隴鶯聲迥  
棕影涵波雁思閒伯仲賡歌皆耄耄里閭懷德丰痼瘵  
重過活及張公執六欲凌虛駕上攀

喜顏守仁教授留園館信宿

前朝進士過林偏信宿論心為味聽雲氣夜燭雄劍紫天  
光寒入舊粘青不同嘉樹生南國猶夢鯤魚化北溟老我  
歸田有就具僅堪供臥讀牛經

辛酉立春日溪園試筆

雨雪相仍歲又徂短衣楚製老東吳宝山偏聚刑餘鬼室  
谷先逃行獨儒海霽卿雲行日角岸寒髡栝長水鬚為書  
春帖嘗春酒早蒼蘭風拂壽觥

溪園秋燕又春鴻漸老形骸土梗同暹郵梟雄奔在野散  
聞駉牝集生風梅花占隘孤高雪菽笋穿坻短小红抱膝

微吟忽成調一雙歌飲順流東

寄張戶部以忠就問死節丁敬可章子伯堅消息下  
嘗為主事張其吏也

侍郎南下喜尋盟有子非官養復裝淞泖雪鱸采曉案伊  
梁金雁歇寒箏職方因改賢勞久神或冠纓入畫清聞道  
舊趨丁相幕巨源于絡不無情

題朱松石左轄歸來堂

舊時山色挹新堂西望遙伸燕賀章金甲樓舡爭破浪角  
巾藜杖獨還鄉雀孫影跨松間石鶯友声過柳外牆畫屏  
陶朱老心事黑甜清洒列羲皇

同道書院記遊查山面題淨無餘西南林壑

地湧叢林小翠屏海吞孤嶂半螺青岩扉老衲忘人我石  
甃神丹護甲經吳甸土寒黃耳魄秦山州厭白蛇腥放歌  
適在風塵表幢節浮空若下聽

寄湛蘭江長老

菰米三江同謝徵詩狂禪喝罷憑陵乾坤影合中條曠日  
月輝交大室灯遺世欠忘形似木扣雲曾得活如藤願言  
流水師今是萬翼神轍再上升

趙破螺徵士過園館言近况飲之以酒壯之以詩

牧羝山澤避徵書還守駝墩小墓廬乘角履穿猶說劍一

錢囊剩不思魚潢汗毛荐寒途肅織誦声連夜不虛况復  
永嘉天派在左懸朱轂相王車

同友人過松屏沈范軒

沈郎儉謹居松郭新築范軒小似蝸天厚水雲千畝利世  
輕鐘鼎五侯家執鞭况是修清職登饌直便老鈍牙十載  
淡交方尔過萱長如帶杏初花

辛酉雜題

一作古懷

斗酒豚肩紫蟹裙通家無日淚橫紛兵餘姊妹皆黄土天  
晚江山自碧雲陸喜在吳嘉德隨何遭漢擅名文先人  
遺体猶清健會倚陰三里社村

遺經姑置楚包茅新筆恭書盡上文利盡島溟珠象郡道  
湮邠魯鳳麟郊看枝雲暮影齋中角滴酒名露春声落枕凹自判  
優游不堪事鸚鵡添室翠分巢是歲征雲南元梁王自縊

槿籬莎徑入林堂春作無羣午漏長音歇野鶯新綠淺影  
浮潭鯽小紅香淮家教應中和節十畝寒輕二月霜忍貫  
緼袍債酒債時人將謂獨醒狂

寄完節清鄉叅政

六月青陽一葉秋大叅躬自出遮西軍中取印舊赤手林  
下挈巾新白頭闔郡山園朝爽競幾人漏盡夜行休宴游

莫聽堂二曲蟹紫橙香風露稠

